



REGIONE AUTÒNOMA DE SARDIGNA
REGIONE AUTONOMA DELLA SARDEGNA



ASSESSORADU DE S'ISTRUZIONE PÙBLICA, BENES CULTURALES, INFORMATZIONE, ISPETÀCULU E ISPORT

11-02-00 Direzione Generale de sa Pùblica Istruzione

11-02-01 Servitziu Políticas Iscolàsticas

Sos comunes in sas
sedes issoro

Ogetu: **Avisu pùblicu: “Interventu pro su Diritu a s’istùdiu in s’annu 2024: Bursa de istùdiu regionale a.s. 2023/2024 e Bonu pro sos libros a.s. 2024/2025 - Achirida de sos bisonzos comunales pro s’assignatzione de sas risursas”.**
Partidura e assignatzione de fundos pro sos Comunes de sa Sardigna e Abertura Istraordinària a nou pro sa remissa de bisonzos agiuntivos pro sos bonos libros a.s. 2024/2025.

Sa presente pro informare chi, cun sas determinas n. 785 e 786 de su 10 de Santu Gaine de su 2024, sunt istadas fatas sas partzimentas e sas assignatziones de sos fundos, destinados a sa cuntzessione sas bursas de istùdiu regionale a.s. 2023/2024 e de su rimborsu pro sos libros de testu (bonu pro sos libros) a.s. 2024/2025.

Pro sas bursas de istùdiu regionale a.s. 2023/2024, sos fundos assignados dae custa partzimenta, dant sa possibilidade a sos Comunes de àere a dispositzione resursas (fundos regionales instantziados in s’esertitziu 2024 e cun sas economias comunales de sos annos colados) chi dant sa possibilidade de pagare sas bursas de istùdiu pro un’importu de €126,70, ma cun su mèdiu pro sos Comunes de artziare custa tzifra a €200,00 cun àteras resursas comunales.

A sos Comunes chi, finas si ant retzidu sas dimandas dae parte de sos istudiantes, ant de craradu s’esistèntzia de economias de sos annos colados, in manera tale de garantire s’assignatzione de sa Bursa a totus sos chi la pedint pro s’importu detzisu, non sunt istadas assignadas resursas intra de sos fundos regionales disponìbiles pro s’esertitziu finantzàriu 2024.

Tocat de ammentare chi su pagamentu de sa bursa de istùdiu regionale a.s. 2023/2024 podet èssere fatu solu a pustis de s’aprovatzione de sos beneficiàrios de sa graduatòria regionale de sa bursa de istùdiu natzionale a.s. 2023/2024, chi at a èssere publicada. Sos beneficiàrios de sa bursa de istùdiu natzionale a.s. 2023/2024, comunicados dae sa Regione, chi ant presentadu dimanda pro retzire sa bursa de istùdiu regionale a.s. 2023/2024, divent èssere cantzellados dae s’elencu de sos beneficiàrios, comente narat s’artìculu 5 fase 6. Sos Comunes divent remunerare sos fundos regionales chi ant retzidu a pustis de sas dimandas fatas, pro los pòdere impitare s’annu in fatu.



REGIONE AUTÒNOMA DE SARDIGNA
REGIONE AUTONOMA DELLA SARDEGNA

ASSESSORADU DE S'ISTRUZIONE PÙBLICA, BENES CULTURALES, INFORMATZIONE, ISPETÀCULU E ISPORT

Pro cantu pertocat sos bonos pro sos libros a.s. 2024/2025, sos fundos dados dant sa possibilidade a ogni Comune de àere sa disponibilidade generale de risursas (fundos de su ministèriu pro su 2024 e/o economias comunales de sos annos colados) pro dare custos bonos pro sos libros a totus sos chi los pedint pro sa cobertura de su 99% de sas ispesas fatas pro comporare sos libros de testu. A sos Comunes chi, finas si ant retzidu dimandas dae parte de sos istudiantes, e ant decraradu s'esistèntzia de economias de sos annos colados chi un'importu chi garantit unu rimborsu a sos chi lu pedint pro carrarzare sas ispesas fatas pro comporare sos libros, non sunt istadas assignadas risursas subra de sos fundos de su ministèriu, disponibles pro s'esertitziu finantiàriu 2024. Tocat de ammentare chi su pagamentu de sos bonos pro sos libros a.s. 2024/2025 devet èssere fatu solo a pustis de sa presentazione de totus sas proas de còmpora de sos libros pro sa cale est istadu pedidu su rimborsu. Totus sos Comunes chi ant economias de annos prima, pro cantu riguardat sas dimandas presentadas pro s' a.s. 2024/2025 sunt liberos de las impitare pro su finanziamentu de su 100% de su valore de còmpora de sos libros chi est istadu fatu dae sas familias, basta chi custu benat fatu in sa matessi manera pro totus sos chi ant fatu dimanda in cussu Comune. Sos Comunes devent remunerare sos fundos de su ministèriu retzidos e no ispesos, e custos ant a pòdere èssere impitados s'annu in fatu.

Cun sa determina n.790 de su 10 de Santu Gaine de su 2024, est istada detzisa una abertura istraordinària noa de sos tèrmines pro sa presentazione de àteros bisonzos comunales in annanta, solu pro sos bonos pro sos libros a.s. 2024/2025. A pustis de custa partzimenta de sos fundos ministeriales pro su bonu de sos libros pro s'a.s. 2024/2025 b'at restadu fundos pro un'importu paris a € 32.369,83. Custos sunt destinados a àteros bonos pro sos libros pro su matessi annu iscolàsticu, pro una cobertura limitada e chi non nche colat su 99% de sas ispesas decraradas, chi arribant dae aberturas istraordinàrias noas de sos avisos comunales o dae faddinas fatas in antis e chi pertocant solu sos bonos pro sos libros.



REGIONE AUTÒNOMA DE SARDIGNA
REGIONE AUTONOMA DELLA SARDEGNA

ASSESSORADU DE S'ISTRUZIONE PÙBLICA, BENES CULTURALES, INFORMATZIONE, ISPETÀCULU E ISPORT

Custos bisonzos in annanta, podent èssere imbiados Online a sa Regione, cando b'at a èssere custa abertura istraordinària noa de s'Avisu, semper in sa prataforma SIPES, intrende in su bandu chi si narat "LIBRIAGG_202_4", dae sas 10:00 de su 14 de Santu Gaine de su 2024 a sas 13:00 de sa die 4 de Santu Andria de su 2024.

Totus sos provvedimenti chi amus iscritu sunt disponibili pro sa consultazione in su situ de sa Regione in custu link:

: <https://www.regione.sardegna.it/atti-bandi-archivi/atti-amministrativi/bandi/172138301502510>

ro cale si siat crarimentu si podet imbiare una mail a custu indiritzu supportostudis@regione.sardegna.it mustrende in s' ogetu: "DIRITU A S 'ISTÙDIU 2024".

Nde approfitemus pro bos ringraziare, pro sa bona collaborazione chia nos at dadu modu de minimare sos tempos pro sa frunidura de sas risursas, cunforma a sos annos in antis.

Saludos.

Sa Diretora de su Servitziu
Maria Antonietta Raimondo

G. Tumatis

Sigladu dae :

DANIELA PILLITU

